

zwo absonderliche lese mainungen seyen/die mir darumb gefallen/die  
weil sie les seind: das ist/dieweil der vngelernte Pöfel mit dem rechten  
Fuess in den lincen stiftel fehrt; vnd derowegen der *philosophia*, zu des  
ren ich mich bekenne/ambt ist/dise so les scheinende sachen zuschliche  
ten/vnd den *philosophis* die Köpffe recht einzurichten. Man muß  
von disen sachen nit *politice* reden oder der *politicorum* zeugnis ein  
führen. Es bedarff sich in *politia* nit das man alle *philosophische* ge  
haimnussen wisse/die Welt wird dennoch regiert. Aber die *philosof*  
*phi professione*, sollen nichts verfrichten / wie subtil es auch ist/wann es  
gleich in *politia* les scheinet. Ist das nit ein lese sach / das man den  
Baroren bereden will/die Sonn sey zweyhundert mall grösser dann die  
Erd/vnd ist doch nit vber eins Schuchß breit: vnd das hingegen der  
ganze Erdkreiß/den man nit vbersehen kan/kleiner soll sein / dann die  
Sonne. Ist das nit auch ein leser handel/das Leutte sein sollen/die  
ihre Füße gegen vns auffwertz kehren. Hat nit derjenige sich les  
genug gestellt/der die Sonne zum ersten er sehen wöllen/vnnd da die an  
dere gegen Orient gesehen/so hat er sein Gesicht gegen Occident ge  
kehret/vnd die andere haben diser letzten weise gespottet / vnnd gelachet.  
Wunderseltzam vnd les stell ich mich/wann ich ein Sonnenfünster  
niß *observire*. Dann andere gehen zum Fenster oder vnder freyen Him  
mel/Ich verkriech mich vnter einen dicken Mantel / oder in ein fün  
sters Gemach: andere sehen auffwertz/ich vnder sich/nit in ein spiegel  
oder Kübel mit Wasser/sondern auff ein Holz oder papir. Ist das  
nit auch ein lese weise/das D. Nößlin hie vnten bekennet / das er sein  
zeit nit zugebracht in den schulkünsten die andere auch wissen / sondern  
in dem was vnrichtig ist/vnd ihnen verborgen daran er doch wol ge  
than. In Summa zeig mir der Herr Doctorein schönes *philoso*  
*phema* auß der *Mathematica*, *Physica*, *Chymia*, ein schönes griffin auß der  
*Mathematica*, ein schönes *statagema* auß der *politica*, vnd *militari*, das  
nit anfangs den Leutten wunderlich/das ist les fürkommen.

$\Delta\iota\zeta\alpha$  ist ein schlechte Fraw/derhalben kein grosse vnehr/wann schott  
etwas ist  $\pi\alpha\gamma\alpha\delta\omicron\zeta\omicron\nu$ , das ist *absurdum* vnd les.

D. Nößlin